

太學新編
黼藻文章
百段錦

大學新編黼黻文章百段錦卷之下

大學為信齋長上舍三小方鳳

狀情格

八篇

形容自得處

論心為氣帥

呂祖謙

聖賢君之以心御氣而不為氣所御以心統氣而不為氣所統聖山之耕南風之琴勞逸變在前日巧之心亦嘗變也美之曰懷德之朝憂樂變在前日大之心亦嘗變也避德之朝憂樂變在前日大

而曾子之心未嘗變也。自勞自逸，自憂自樂，自死自生，吾心曷嘗不自得哉？

形之文處

論楚滅六夢

前人

天下之理未嘗無對。既有時同而類異者，亦有時異而類同者。故皋陶近不與共鯀，堯為類於唐虞之朝，而遠與臧文仲為類於春秋之世。想文仲之心，仰不知皋陶之在唐虞，俯不知身之在春秋，無形之中自相拜酬，無聲之中自相磨戴，跡遠而心近，跡踈而心親。此所以見皋陶之不祀，慨歎憫惜，不能自己，殆

甚於合堂同歸之交也

形容愛慕處

存舊論

唐庚

光武入洛東都之民始見司隸僚屬歡喜踴躍父老
或至垂涕曰不圖今日復見漢官威儀自是天下翕
然歸之相與出力鋤去禍難以成中興之業而復其
宗廟社稷蓋又二百年思漢之所以復興不專在是
然亦不可謂無助也且漢官威儀非若三代之盛叔
孫通所為非有周公之學術智識也雖以秦制非復
聖人之法也而遺民見之如盲者復視廢者復起如

流浪積歲而返其故鄉見其父子兄弟感慚之極至
於咨嗟流涕其得民心如此此何理邪方是之時以
三代車彫示之吾知其民不復泣矣形容愛慕之極
何者漢之為漢一世於此矣民知有劉氏而已救天
下於戰國秦項水火之中措於安全逸樂之地不數
十年海內無事得以養生得以送死得以事其父母
而長育其子孫者漢之力也三代遠矣何有我哉
形容悲憤處

廷對策

張子韶

陛下之心臣得而知之矣方當陽春肅敷行宮別殿

花氣紛紛想陛下念兩宮之在北邊塵沙漠漠不得
共此融和也其何安乎盛夏之際風愆水涸涼氣淒
清陛下念兩宮之在北邊蠻獠擁蔽不得共此踈蕩
也亦何安乎澄江瀉練夜炷飄香陛下享此樂時必
曰西風淒勁兩宮得無憂乎狐裘溫煖獸炭春紅陛
下享此樂時必曰朔雪衰丈兩宮得無寒乎至於陳
水陸飽珍奇必投筯而起曰雁粉腥羊兩宮所不便
也食其能下咽乎若廣廈處深宮必撫几而歎曰寧
廬區脫兩宮必難處也居其能安席乎今閭閻之人
皆知有父兄妻子之樂陛下貴為天子富有四海以

金虜之故、使陛下冬不得煖、夏不得清、昏無所於定、晨無所於省、問寢之私、何時可遂乎、在源之急、何時可救乎、日往月來、何時可歸乎、每歲時遇物想夫聖心、雷厲天淚、兩流撫劍、長吁思欲掃清蠻帳、以還二聖之車、此臣之心、所以知陛下者如此、

形容話語處

種樹郭橐駝傳

柳宗元

吾居鄉、見長人者好煩其令、若甚憐焉、而卒以禍、旦暮吏來而呼曰、官命促爾耕、勗爾植、督爾獲、蚤繰而緒、蚤織而縷、字而幼孩、遂而雞豚、鳴鼓而聚之、擊木

而召之、吾小人具饗餼以勞吏者、且不得暇、又何以
蕃吾生、安吾性邪、故病且怠、

形容志向處

漢輿地圖序

呂祖謙

自古合天下於一者、必以撥亂之志、以為主、志之所
向、可以排山岳、倒江海、開金石、一念之烈、無能禦之
者、光武之在河北、峭嶇於封豕、長蛇之間、瞋目裂眦、
更相長雄、積甲成山、積血成川、積氣成雲、積聲成雷、
九流混淆、三綱反易、雖十家之市、無寧居者、則光武
果何所恃哉、亦恃其撥亂之志而已、光武之志、以皇

天全符所付於我有漢今乃瓜分幅裂淪於盜賊此
子孫之責也責之所任雖有登天之難不敢辭雖有
暴虎之危不敢避雖有水火之蹈不敢回奮然直上
以憤吾祖宗之所負必使吾祖宗之舊物復其初然
後吾責始塞焉此志一立故雖處一郡之地而視天
下之廣皆吾囊中物蚤夜以謀之反覆以思之其披
輿地圖之際慷慨憤排之氣則一郡至小而群賊之
地奚啻十倍吾衆至小而群賊之兵奚啻十倍恢復
之功猶捕風繫影若不可期者及既有其志則規模
先立一謀先定此之於前必之於後若青若齊若隴

若蜀若楚若越皆吾志中之一物也若益平若王郎
若蜀若楚若越皆吾志中之臣僕也彼方續塞
置戍而不知吾已破之於堂上彼方戕寇彼衆而不
知吾已縛之於胸中是以論光武克復州縣之蹟則
有難易又有先後焉若夫光武恢復之志則一披輿
地圖而三萬里之幅員皆入於靈府豈嘗得一邑而
始思得一州得一州而始思得一府哉大矣光武之
志也斯其所以祖漢配天不失舊物歟

歡戚殊情

晉懷公殺狐突

呂祖謙

明於觀人暗於觀己此天下之公患也見秋毫之末者不能自見其睫舉千鈞之重者不能自舉其身甚矣己之難觀也人皆知以己觀己之難而不知以人觀己之易因人之善見己之惡因人之惡見己之善觀孰功於此者乎晉懷公不知己之無以致人徒責人之不從己殆未嘗以人而觀己也懷公晉國之君彼重耳特一亡公子耳狐趙之徒出從重耳隨狄因衛逃齊脫楚人有不堪其憂者矣乞食投塊觀浴操戈人有不堪其辱者矣風羈雨綫過都歷邑人有不堪其勞者矣使其捨重耳而從懷公則閭里歡迎姻

族畢至、烹鮮醢酒、舒發故情、此天下之至樂也。高軒
華轂、豹飾羔裘、前趨後陪、先生徒馭、此天下之至榮
也。堂宇覲深、自公退食、體胖心廣、四顧無虞、此天下
之至安也。懷公盍亦以人觀已乎、從役者憂如是、尊
如是、勞如是、而孤趙輩乃就之而不辭、從我者樂如
是、榮如是、安如是、而孤趙輩乃棄之而不顧、則德之
優劣、厚薄、不待言而可見矣。懷公盍亦因此自反曰、
樂也、榮也、安也、人之所同嗜、孤趙之徒、所以崎嶇從
重耳者、豈與人異情哉、其棄樂而就憂者、必重耳之
德有以勝其憂也、其棄榮而就辱者、必重耳之德有

以勝其辱也、其棄安而就勞者必重耳之德、有以勝其勞也、況吾以晉國之大、而增修其德、則人之從我者、既有道德之樂、又有名位之樂、既有道德之榮、又有名位之榮、既有道德之安、又有名位之安、重耳無我之所有、而我有重耳之所無、有無之相形、人將不待招而至矣、此猶為懷公而言、非論之至也、德之休明、桂海水天、荒區絕域、將奉琛重譯、而皆來臣、何至下與一子公乎、爭數僕役哉、陋矣懷公之福也、肆其偏心、不知反已、徒救人以逞使在外者、絕向我之意、而堅事憊之志、計無失於此者矣、雖重耳老矣、持外

彼毛偃拔突二子挾不共戴天之讎思欲一逞豈容
重耳之安於外乎是則納重耳於晉者非秦伯也非
孤趙也懷公也

畏肆異態

魯卑邾不設備

呂祖謙

天下有常勝之道大勝小強勝弱多勝寡兵家之定
論也大有時而敗於小強有時而敗於弱多有時而
敗於寡豈所謂常勝者或不可常邪非然也用兵以
力相加也使各極其力則小終無勝大之理弱終無
勝強之理寡終無勝多之理恃大恃強恃多隨廢其

力而不能用、則與無力者同、顧不如小者弱者寡者、猶有毫末之力也、魯與邾戰、未接之前、人皆意魯之必勝、然升陁之役、僖公卑邾而不設脩、雖有衆、與無衆等耳、魯不若邾、猶有一旅之兵、一割之力、是魯無魯、邾有邾也、以有對無、勝安得不在邾、敗安得不在魯乎、吾嘗謂僖公之爲君、納莒拏之僇、變葛盧之朝、蹇蹇軒然、自處於衆人之上、是一僖公也、奔走於葵丘之會、周章於踐土之盟、悄然眇然、自處於衆人之下、是亦一僖公也、彼一僖公耳、昨勇今怯、朝盛夕衰、何其多變、而無特操邪、殆非專僖公之罪、其居使之

然也。僖公所居者魯，以魯而臨介莒，則自大視細，心不期驕而驕以魯，而望齊晉，則自細視大，心不期畏而畏。既見大國之可尊，必見小國之可忽，斯其所以禍生所忽，而召縣胃魚門之辱歟？臧文仲之諫忠矣，惜其能箴僖公之病，而未知僖公受病之原也。使僖公易地而居齊晉，則將變畏為驕，易地而居介莒，則將變驕為畏。吾是以知尊大國者非僖公也，魯也；忽小國者非僖公也，魯也。僖公不以己為己，而以魯為己，故大於魯者吾小之，小於魯者吾大之，豈非為居之所移乎？

卑邪之小，畏齊晉之大。

昔者舜自側微而

登至尊、木石不能使之愚、鹿豕不能使之野、耕稼不能使之勞、陶漁不能使之辱、絃鼓琴不能使之逸、牛羊倉廩不能使之奢、蓋居為舜而移而舜未嘗為居所移也、噫、當僖公之時、有能誦舜之事、以起其病、庶其有瘳乎、

辯折格

二篇

隨機立論

魯作丘甲

蘇軾

夫民之為農而責之以工也、其猶居山者而責之以

舟楫也。魯威公作丘甲。而春秋譏焉。穀梁傳曰。古者
農工各有職甲。非入人之所能為也。丘作甲。非正也。
而杜預以為古者四丘為甸。甸出長轂一乘。我馬四
匹。牛十二頭。甲士三人。步卒七十二人。而魯使丘出
之也。夫四丘而後為甸。魯雖重歛。安至於四倍而取
之哉。哀公用田賦曰。二吾猶不足。而夫子譏其殘民
之甚。未有四倍而取之者也。且夫變古易常者。春秋
之所譏也。故書作三軍。舍中軍。初稅畝。作丘甲。用田
賦者。皆所以譏政令之所由變也。而穀梁杜氏之說。
如此之相戾。安得不辯其失。而歸之正哉。故愚曰。穀

梁之說是以杜預立甲之說非

省試策

前人

魯之車千乘儲也春秋大蒐大閱皆以譏書言其車之多徒之衆非魯之所宜有故曰大也夫周之制四立為甸甸一長轂一乘魯無千甸之封亦明矣然公車千乘之見於詩何也孟子曰說詩者不以文害辭不以辭害意天子之馬止於十二閑而詩駉牝三千美其富不譏其儲不害其為詩也夫千乘之積雖為十萬五千人而有羨卒處其半焉故三萬者公徒而已魯襄公之十一年初作三軍僖公之世未至於三

萬愚又疑詩入張而大之也。以杜預丘甲之說是
由前論則非杜預由後說則主杜預蓋前以魯無
四倍賦甲為疑後以魯無千旬出車為說意各有
主也

說理格

二篇

解牛悟養生

帶經軒記

楊萬里

揚子將開齋於南溪之北涯其地甚肥而美可為畦
以蔬而朝夕挾書於斯日與客觀之且辭其地客

曰美則美矣然今之人目辨紅紫者其口不能應答問之是非手縱方圓者其耳不能聽英莖之節奏子於此乎書則蕪子之蔬子於此乎蔬則蕪子之書又焉在於帶經而鋤余曰不然書者所以為吾事蔬者所以寓吾意也早夜孜孜披閱古今非徒為是饒饒者而其在乎堯舜禹湯文武之事業故謂之吾之事然既藏焉必遊息也由是寓形於莊菰葵菊之間而忘言於莊菰葵菊之外亦意矣乎雖事者本也意則末矣烏在乎其意也然學道自洒掃應對進退皆是入乎道雖末也無害其為本故說者謂君子不當忘

乎意況畦而列之橫邪有徑高卑有陳則君子之公
庭壇宇也種植有時采掇有方分釐辛烈有族有類
則君子之陳立經紀也灌之溉之由是得涵養之術
錫之糴之由是得修德之理此意由粗達精乃是文
惠君見庖丁誦養刀而悟養生如是則銜鋤而趣
起不害其為書帶經而躡屨不害其為蔬吾豈若樊
遲哉規規然專務為老圃之事而董仲舒又為不窺
之勤彼二子者所謂楚失而齊亦未得也

頃刻開花

卓錫泉記

唐庚

人之精神亦何所不至哉。揮戈可以退日，搏膺可以
隕霜。悲泣可以頽城，浩歎可以決石。而況於得道者
乎。諸妄既除，表裡皆空。一真之外，無復餘物。則其精
神之運，又何如哉。吾遊羅浮，至寶積寺，飲泉而甘。寺
僧曰：此卓錫泉也。昔梁景泰禪師始居此山，其徒以
無水難之，師笑而不荅。已而庵成，師卓錫於地，泉湧
數尺。自是得水，寺中迄今賴之。知水者以為申於嶠
南，而自梁以來，未有紀其事者。夫師之為人，不可得
而知。然吾聞世間萬有，皆心想所生。而古之學道求
有不由定慧得者，完則深遽，惠則流通。以深遽流通

之精神而致吾心想中物如父之使子君之使臣有
必得之勢其於此者特未足多也或曰前世之士如
李廣利耿恭之徒李拔刀刺山得泉耿拜井得泉皆
功名進取之人以成敗得失為心其精神之富不踰
常人而暗昭叱咤水泉為之湧溢與師尤異此何理
也曰二人者皆一時貴臣左氏所謂用物精多至於
神明方其田於絕域之中感奮激發於萬死一生之
時其用意至到而水泉湧溢唯其出於一切之誠而
無定慧之素以故得之艱勤非若師之願指目使既
漣而且逸也嗟夫事之不立我知之矣志意耗於思

慮聰明流於視聽則精神所感不行於父子兄弟之間而尚何有於物苟能全吾之神則雖山石之堅水泉之柔雍容談笑之間其堅者可使闢其柔者可使激而躍也而獨不得於人乎吾是以知天下之善無不可立者

韓湘詩云解造逡巡酒能開頃刻花韓文公試之果然仙揮之習人率神敏若此一卓錫而得泉與頃刻開花同矣

粧點格

四篇

想像形容

齊威公葵丘之會

呂祖謙

天下之為治者未嘗無所期也。王期於王、霸期於霸、強期於強、不有以的之、孰得而射之、不有以望之、孰得而趨之、志也者所以立是期也、動也者所以赴是期也、效也者所以應是期也、汎然而議、卒然而行、忽然而嚴、汗漫怠荒、無所歸宿、是豈足與為治哉。故期者聖君賢臣所以先天下之治者也。期固為治之先、亦或為治之害。自期於強者、至強則止、欲挽之使進於霸、不可得也。自期於霸者、至霸則止、欲挽之使進

於王不可得也。何則？素所期者止於如是也。強而止於強，霸而止於霸，是特安其小耳。雖不足有盛世而追遐軌，然下視弱國陋邦，所獲不既多乎？謂之無志，則可謂之有害，則不可也。抑不知天下之勢，不盛則衰，天下之治，不進則退。強而止於強，必不能保其強也；霸而止於霸，必不能保其霸也。驅駿馬而馳峻坂，中間豈有駐足之地乎？齊威公拔管仲於縲紲，程楷之中，屬之國政，立談之間，遂以霸功相期，何其壯也。左國右高，國氏高氏，天子命卿，前鮑後隰，鮑氏隰氏，成公輔佐，下逮此間，族黨之民，夙興夜寐，淬厲奮

發以赴吾君之所期至於葵丘之會威加諸侯名震
四海天子致昨王入下臨環以旌旄崇以壇壝幕張
燎舉有司戒期駢圭交舄抑首就位弁冕秩秩穆然
無聲於是威公降虺遵廷下拜王命與俯跪起之容
翼如也環珮銜牙之音銷妣也隆寵榮光焜耀在列
申以五命之嚴永以載書之信明約顯命若挾河漢
而轟雷霆區區曹許之君出於鼠壤蟻封之中驟見
曠古駭俗之偉觀目眩氣奪莫敢仰視雖平日跋扈
倔強不受控御如晉侯者猶實車秣馬奔走道路恐
干後至之誅五霸莫高於威公而威公九合之盟葵

丘居最一時文物之盛威公素所自期者悉償所願
種之累年而獲之今日信可謂不負所期所期既滿
則心亦滿滿則驕驕則怠怠則衰近以來宰孔之譏
逮以召五公子之亂孰知盛之極乃衰之始乎吾嘗
譬威公之功業蔡丘未會之前自朔至望之月也浸
長而浸盈蔡丘既會之後自望至晦之月也浸缺而
浸盡未滿則有增既滿則招損而已尚安能復增

畫錦堂記

歐陽修

仕宦而至將相富貴而歸故鄉此人情之所榮而今
昔之所同也蓋士方窮時困阨閭里庸人孺子皆得

易而悔之。若季子不禮於其嫂，買臣見棄於其妻。一
旦高車駟馬，旌旗導前，而騎卒擁後，夾道之人相與
駢肩累迹，瞻望嗟咨，而所謂庸夫愚婦者，奔走駭汗，
羞愧俯伏，以自悔罪於車塵馬足之間。此一介之士，
得志當時，而意氣之盛，肯入比之衣錦之榮者也。惟
大丞相魏國公，則不然。公相人也，世有令德，為時名
卿。自公少時，已擢高科，登顯仕，海內之士，聞下風而
望餘光者，蓋亦有年。所謂將相而富貴，皆公所宜素
有。非如窮阨之人，僥倖得志於一時，出於庸夫愚婦
之不意，以驚駭而矜耀之也。然則高牙大纛，不足為

公榮桓圭衮裳不足為公貴惟德被生民而功施社稷勒之金石播之聲詩以耀後世而垂無窮此公之志而士以此望於公也豈止夸一時榮一鄉哉公在至和中嘗以武康之節來治於相乃作畫錦之堂於後園既入刻詩於石以遺相入其言以快恩讎矜名譽為可薄蓋不以昔人所夸者為榮而以為戒於此見公之視富貴為何如而其志豈易量哉故能出入將相勤勞王家而夷險一節至於臨大事決大議垂紳正笏不動聲色而措天下於泰山之安可謂社稷之臣矣其豐功盛烈所以銘彝鼎而被絃歌者乃邦

家之光、非閭里之榮也。余雖不獲登公之堂、幸嘗竊誦公之詩、樂公之志有成而喜為天下道也。於是乎書。

魏公祠堂記

司馬光

其忠勇如此、故能光輔三后、大濟艱難、使中外之哺啜嬉遊、自若曾無驚視傾聽竊語之警。坐致天下於大寧、公之力也。銷鋒灌燧、無雞鳴犬吠之警。春秋未高、拔立有德、付畀惟允、故傳天下之日不陳、一兵不宿、一士以戒、非常而上下晏然。故人主之尊、意喻色授而六服震動、言傳號渙而萬里奔走、山岩窟穴之

朕不待期會而時輸歲遙以供其職者惟恐在後
浮索引之國非有發石而羸賫素負以致其貢者惟
恐不及而北之戎投戈縱馬相與衽服而戲棹東南
之夷正冠束衽相與挾策而吟誦奎於六府順序百
加智遂片在天地之內含氣之屬皆裕如也

形狀風景

真州東園記

歐陽修

園之廣百畝而流水橫其前清池浸其右高臺超其
北臺吾望以拂雲之亭池吾俯以澄虛之閣水吾泛
以畫舫之舟殿其中以為清醺之堂闢其後以為射

實之圃、芙蓉、菱荷之的、歷、幽蘭、白芷之芬芳、與夫佳
花、美木、列植而交陰、此前日之蒼烟、白露、而荆棘也、
高、堯、巨、楠、水、米、日、影、動、搖、而、上、下、其、寬、闊、深、靚、可、以
答、遠、響、而、生、清、風、此、前、日、之、頽、垣、斷、塹、而、荒、墟、也、嘉
時、令、節、州、人、士、女、嘯、歌、而、管、絃、此、前、日、之、晦、冥、風、雨、
飈、颺、鳥、獸、之、嗥、鳴、也、吾、於、斯、園、有、力、焉、凡、圖、之、所、載、
蓋、其、一、二、之、畧、也、若、乃、升、於、高、以、望、江、山、之、遠、近、嬉
於、水、而、逐、魚、鳥、之、浮、沉、其、物、象、意、趣、登、臨、之、樂、覽、者
各、自、得、焉、凡、工、之、不、能、盡、吾、亦、不、能、言、也、

推演格

一篇

由微之著

論禮

呂祖謙

生天下之善者出於敬生天下之惡者出於慢一遵
一豆之相去其為禮微矣嚴之而不敢犯者敬心存
也是心苟存將無所不敬推而上之至於守君臣父
子夫婦之分為世大法者同一敬也忽之而無所顧
者慢心生也是心苟生將無所不慢推而下之至於
亂君臣父子夫婦之分為世大戒者同一慢也是故

今日謹一籩一豆即他日謹君臣父子夫婦者也今日易一籩一豆即他日易君臣父子夫婦者也

寸度格

五篇

以理揆事

莊公盟母

張來

昔者鄭莊公疾叔駘而出姜氏夫子而出其母天下之大惡也彼其臣必有以義而正之者矣莊公卒為之然則是雖有諫者而不聽也揆以理至於穎考叔為一言於飲食之間遺母羹而莊公若不可以終日

易其平日忿戾之意而為孝悌不忍之心是何也蓋
莊公不可以言奪而可以心動也

莊公不善弟毋蔡仲公子呂輩數諫及出母卻未
聞諫者張文潛以理揆之故云其臣必有以不義
正之者而不恤文章妙處正在善於付度

范增論

陳傅良

高祖畏范增幾為所禍者數矣范氏在豈真足以帝
楚者哉君臣之間非其相濟不足之患惟其相正以
裁其過之難項氏之斃惟其暴也力罷於亟戰勇衰
於屢捷而思信失於好殺是皆羽之所以取亡而增

也實佐而決之、猶馭奔馬且疾鞭焉、汗而不知止、以
速其遠至焉、有不罷者哉、是故亞父未去、楚亡兆矣、
何者、其銳畧盡、則其未固易與也、蓋嘗論之、羽雖得
戾、猶有可感而入者、欲坑外黃而愧於其舍人、見之
一言、欲烹太公而悟於項伯之微諫、則戮子嬰、殺義
帝、斬彭生、屠秦二十萬衆、亞父獨不可嘗試曉之邪、
不惟不曉、意者實教之也、觀其始末、勸羽自急攻之、
外無異策、是所謂火濟火也、使增之計一行、而楚果
亡、漢則羽又一秦也、增又一商鞅也、天下豈能安楚
也哉、凡血氣盛於年少、而志淺於更事之不多、增以

垂老謀楚而暴不減籍使其尚壯殆尤甚焉嗚呼是
雖高帝所畏以吾意蕭何留侯未必不笑其跡也
范增未嘗有教項羽殺秦之事見於載記特以不
生計謀無非我暴之計故憶度其為此

狀虛為實

刑賞忠厚之至論

蘇軾

堯舜禹湯文武成康之際何其愛民之深憂民之切
而待天下以君子長者之道有一善從而賞之又從
而歌嗟嘆之所以樂其始而勉其終有一不善從而
罰之從而哀矜懲創之所以棄其舊而開其新故

其吁俞之聲歡欣慘戚見於虞夏商周之書成康既
沒穆王立而周道始衰然猶命其臣呂侯而告之祥
刑其言憂而不傷威而不怒慈愛而能斷惻然有哀
憐無辜之心故孔子猶有取焉傳曰賞疑從與所以
廣恩也罰疑從去所以謹刑也當堯之時皋陶為士
將殺人皋陶曰殺之堯曰宥之三架虛提對故天下
畏皋陶執法之堅而樂堯用刑之寬四岳曰鯀可用
堯曰不可鯀方命圯族既而曰試之何堯之不聽皋
陶之殺人而從四岳之用鯀也然則聖人之意蓋亦
可見矣書曰罪疑惟輕功疑惟重與其殺不辜寧失

不經嗚呼盡之矣可以賞可以無賞賞之過乎仁可以罰可以無罰罰之過乎義過乎仁不失為君子過乎義則流而入為忍人故仁可過也義不可過也古者賞不以爵祿刑不以刀鋸賞以爵祿是賞之道行於爵祿之所加而不行於爵祿之所不加也刑以刀鋸是刑之威施於刀鋸之所及而不施於刀鋸之所不及也先王知天下之善不勝賞而爵祿不足以滿也知天下之惡不勝刑而刀鋸不足以裁也是則故疑則舉而歸之於仁以君子長者之道待天下使天下相與而歸於君子長者之道故曰忠厚之至也詩

曰君子如衽亂庶遄已君子如怒亂庶遄沮夫君子之已亂豈有異術哉特在喜怒而無失乎仁而已矣春秋之義立法之嚴而責人貴寬因其褒貶之義以制賞罰亦忠厚之至也

事陶無殺人等化扣舉絲事對映出來梅都官作主司亦旋為真有此事

推想時事

張釋之論

蘇軾

張釋之論秦之敝曰其敝徒文具亡其惻隱之實嗚呼文具之敝非特秦之所以患實古今之通患也昔

之為治者、實未具、則文亦不具、未能防民之偽、則不
敢為制禮之文、未能約民之侈、則不敢為恭儉之文、
未能行惠民之事、則不敢為寬恤之文、以至政教賞
罰、有毫釐之不脩、誠心惻然、務從施惠、初未嘗虛飾
焉、故其過人、得以議之、其失人、得以指之、見其偏、則
可以矯之、使正、見其闕、則可以修之、使全、猶按脉治
病、虛實燥濕、緩急浮沉、無錙銖之不見、然後隨其病
而投之湯劑、加之鍼石、其不瘳者、鮮矣、至於末年之
敝、無其實、而有其文、家挾周孔之書、而俗益薄、人治
司馬之法、而益益懦、人誦夷齊之清、而行益汙、人負

龔黃之名而政益亂問其詔令則堯舜之典謨也問其典章則成周之禮樂也入其國觀其朝其文煥然雖治國之時有所不及然徐考其實乃與桀紂幽厲同出一轍上以虛文欺下下以虛文欺上上下相欺以罔天下雖有忠臣義士欲正言極諫亦無所容其喙矣欲言任賢則君已先言舉元凱矣欲言去邪則君已先言流共鯀矣欲言勤勞則君已先言日昃不食矣欲言厚朴則君已先言茅茨不剪矣獵取諫諍之辭而先自言之閉其口而奪其氣覆藏潤飭使無過之可譏無失之可指無偏之可矯無闕之可修偃

然自以為得計必至於魚爛瓦解然後不能文焉釋
之之言誠天下之公患也嘗以西漢觀之文宣之世
漢之盛也平帝之世漢之季也以文帝之寬仁有野
不加闢之詔有水旱疾疫之詔有結難連兵之詔以
宣帝之明決有屯戍未息之詔有百姓失職之詔有
盜賊不止之詔豈非有惻隱之實而不為文具邪乃
若平帝之世觀其文辭興滅國繼絕世立明堂辟雍
休祥嘉應頌聲並作而人衆潛移於五莽文具之害
乃至於此後之為治者其知所去取矣
文宣之世有實無文平帝之世有文無實

齊論

天下之情艱難則勤者雖弱小而奮安逸則惰者雖
盛大而衰夫元魏以夷據中原之地士馬精健上下
習兵喜戰道武以來戰勝攻取未嘗以挫幾并天下
至孝文之時議舉兵伐齊而在廷之臣皆以為不可
雖驅以威莫肯行與向者習戰之俗何其相反哉蓋
自道武沒更以母后幼主持政群臣皆生長安佚非
復昔日馬上之士也稍脩朝廷宮室之美非復昔日
穿廬遷徙之俗也金錢玉帛府庫充滿非復昔日牛
羊錐刀之利也美衣甘食冬溫夏涼非復昔日習餓

之勞也。高談徐步，可以致大官，取卿相，非若昔日競戰鬪，攻取之勲也。故雖夷狄而流為承平無事矣。夫以中國禮義維持而承平無事，日久猶且以驕淫致亂。況夷狄上下無禮義之維持，稍稍無事，則志氣滿矣。制度侈矣。子又盛矣。土木興矣。此蓋以夷狄驕淫之性而入中國紛華之域，必至於此。此慕容苻姚所以不能久也。元魏居於雲中，未甚變其俗習，然猶上下嚴兵，力戰國主親在行間，而不敢辭。至於遷洛之後，其國衰矣。叩譬之夷狄，鷙鳥也。去其利爪而付以鳳鳥之羽，則無德可昭，無威可畏，取死於虞羅必矣。

然元魏既衰之後宋氏多事齊氏享國日淺梁武謬於攻取故元魏至於國分為二然後自弊若使兩朝有英武之主智謀之士蓄開拓之備而伺其隙則元魏豈能據有中原如是之久也哉

用事格

二篇

用事如不用事

范山請圖北方

呂祖謙

晉靈公即位之初其失德未有聞於人也內而樂卻胥京日陪日侍傳不載其諷諫之辭外而宋衛陳鄭

時聘時覲傳不載其怨誹之語彼范山者邈然介居
方城漢水之間果何日而知靈公之可輕北方之可
圖乎吾知其說矣以地以勢則近者詳而遠者畧以
情以理則近者蔽而遠者明問官府之政於鈴下馬
走甲是乙非近無定說至於大山之隈絕澗之曲農
夫樵父相與畫地而議長吏之能否若辨黑白若數
一二彼豈嘗識刺史之屏而望縣令之扁哉蓋愛憎
絕于耳目之前毀譽公于郊野之外近者之蔽固不
如遠者之明也

淮陰益辨

霍去病論

何去非

古之善為兵者、不以法為守、而以法為用、常必緣法而生法、與夫離法而會法、順求之於古、而逆施之於今、仰取之於人、而俯變之於己、人以之敗、而我以之勝、視之若拙、而卒稱工、察之若愚、而適為智、運奇合變、既勝而不以語人、則亦莫知其所以然者、此去病之不求深學、而自顧方畧之何如也、夫歸師勿遏、曹公所以破張綉也、皇甫嵩犯之而破王國、窮寇勿迫、趙充國所以緩先零也、唐太

宗犯之而降仁杲百里而爭利者歟上將孫臏所以
殺龐涓也趙奢犯之而破恆羗強而避之周亞夫所
以不擊吳軍之鋒也光武犯之而破尋邑石勒犯之
而破姬澹兵少而勢分者敗黠布所以覆楚軍也曹
公用之拒袁紹而斬顏良臨敵而易將者危騎劫所
以喪燕師也秦君用之將白起而破趙括薛公策黠
布以三計知其必棄上中而用其下賈翹策張綉以
精兵追退軍而敗以敗軍擊勝卒而勝宋武先料譙
縱備我之出其不意然後攻彼之所不意李光弼斬
出野次忽然而歸即降思明之二將凡此者皆非法

之所能膠而書之所能教也然而善者用之其巧如

是果不存祖其緒餘而專守也

文章不用事則難於生意用事多難以遺大惟此

用事雖多而辨析有條若韓信將兵多多益辨

比方格

一篇

比並得體

祭陳亮文

平切安

嗚呼同父之才落筆千言俊麗雄偉珠明玉堅入之
雲步我則沛然莊同李白庸敢先鞭同父之志平蓋

萬夫橫渠少日慷慨時須擬將十萬登封狼胥彼臧
馬輩殆其庸奴天於同父既豐厥稟智畧橫生議論
風凜使之早遇豈愧傳伊行年五十猶一布衣問以
才豪軼蕩四出要其所獻千人一律不然必貶動輒
規檢夫人能之同父非短至今海內稱誦三書世無
揚意孰主相如中更險困如履冰崖人皆欲殺我獨
憐才脫廷尉繫先多士鳴耿耿未沮厥聲浸宏蓋至
是而世之未知同父者益信其為天下偉然人矣嗚
呼才之難辨自古而然匪難其入抑難其天使崖公
而不遇安得內征其入雖之休績代州決勝即其時落

魏之齊賢方同父之約處孰不怨望夫上之人謂握
瑜而不宣今同父發策大庭天子親賓之第一是以
憂其不用以同父之才與志天下之事孰不可為所
不能自為者天假之年閭浙相望信問未絕子胡一
病遽與我訣嗚呼同父而止是耶而今而後欲與同
父越鵝湖之清陰酌其泉而共飲長歌相答極論世
事可復得乎千里寓跡知悲之無益而涕不能已嗚
呼同父尚武臨鑒之否

時辛卯安帥仁山

援引格

六篇

後引省文

范文正公集序

蘇軾

淮陰侯見高帝於漢中論劉項短長盡取二秦如指諸掌及佐帝定天下漢中之言無一不酬者諸葛孔明卧草廬與先主論曹操孫權規取劉璋因蜀之資以爭天下終身不易其言此豈口傳耳授嘗試為之而僥倖其或成者哉

韓信與高帝語雖五百字今但以論劉項短長盡取三秦九箇字包舍孔明與先主語有三百字今只用論曹操至爭天下十字包盡其義亦省文

如此蓋東坡筆雄識高而然

先罵破法

題二李傳後

前人

昔袁盎論絳侯功臣非社稷臣此固有為而言也然功臣社稷臣之辨不可不察也漢之稱社稷臣者如周勃汲黯蕭望之之流三人者非有長才也勃以重厚安劉氏默以忠義弭淮南之謀望之確然不奪於

赫顯孔子所謂以道事君不可則止者邪東坡撰周勃與汲黯蕭望之為社稷臣恐人把袁

盎說來藉口故先說破蓋盎抑勃以其功業盛大

使自譴耳非譏諧也而李靖李勣非三人也

王仲儀真贊

前人

孟子曰所謂故國者非有喬木之謂也有世臣之謂也又曰為政不難不得罪於巨室巨室之所慕一國慕之一國之所慕天下慕之夫所謂世臣者豈特世祿之人巨室者豈特侈富之家也哉此先罵破蓋功烈已著於時德望已信於人譬喬木封植愛養自拱把以至於合抱者非一日之故也平居無事商功利課殿最誠不如新進之士至於緩急之際決大策安大衆呼之則來揮之則散惟世臣巨室為然

誤引姓名

賈誼論

蘇軾

非才之難所以自用者實難惜乎賈生王者之佐不
能自用其才也夫君子之所取者遠則必有所待所
就者大則必有所忍古之賢人雖有可取之才而卒
不能行其萬一者未必皆其時君之罪或者皆自取
也愚觀賈生之論如其所言雖三代何以遠過得君
如漢文猶且以不用死然則天下無堯舜終不能有
所為邪仲尼聖人歷試於天下苟非大無道之國皆
欲勉強扶持庶幾得行其道於一日將見之則先之

以子夏申之以冉有君子欲得其君如此其勤也孟子去齊去宿而後出晝猶曰王其庶幾召我君子之不思如此其薄也公孫丑問曰夫子何不豫孟子曰方今天下舍我其誰哉而吾何為而不豫君子之愛其身如此其至也夫如此而不用然後知天下之果不足與有為而可以無憾矣若賈生者非漢文之不能用生之不能用漢文也夫絳侯親握天子璽而授之文帝灌嬰連兵數十萬以決劉呂之雄雌又皆高帝之舊將此其君臣相得之分豈特父子骨肉手足哉賈生洛陽之少年欲使其一朝之間盡棄其舊而

謀其新亦已難矣為賈生者上得其君下得其大臣
如絳灌之屬優游浸漬而深交之使天子不疑大臣
不忌然後舉天下而唯吾之所欲為不過十年可以
得志安有立談之間而遽為之痛哭哉觀其過湘為
賦以吊屈原洩其憤悶超然有遠舉之志其後卒以
自傷哭泣至於天絕是不善處窮者也夫謀之不見
用安知終不復用也不知默默以待其變而有殘至
此嗚呼賈生志大而量小才有餘而識不足也

誤記節次

上神廟書

前八

世嘗謂漢文不用賈生以為深恨臣嘗推究其旨切謂不然賈生固天下之奇才所言亦一時之良策然請為屬國欲擊單于則是處士之大言少年之銳氣昔高帝以三十萬衆困於平城當時將相群臣豈無賈生之以三表五餌人知其疎而欲以困中行說尤不可信矣兵凶器也而易言之正如趙括之輕秦李信之易楚若文帝亟用其說則天下殆將不安使賈生嘗歷艱難亦必自悔其說用之晚歲其術必精不幸蚤亡非意所及不然文帝豈棄才之主絳灌豈蔽賢之士至於晁錯九號克薄文帝之世止於太子家

今而景帝既立以為御史大夫申屠賢相發憤而死
紛更政令天下騷然及至七國發難而錯之術亦窮
矣文景優劣於此可見

漢文帝時晁錯上便宜事詔為太子舍人後數上
書帝奇其才遷為中大夫此言止於太子家令誤
矣景帝即位以為內史申屠嘉死在二年六月至
八月始遷錯為御史大夫此以為激嘉之憤死又
誤矣信筆遺文其失難掩學者知之

一矢貫雙鵠

公私論

楊萬里

私者人之所甚惡也雖然私足以害公矣亦有以公
害公者利於私必不利於公矣亦有以利於私而利
於公者昔者楚有直躬其父竊羊而告之吏令尹曰
殺之謂其直於君曲於父也魯人從君戰三戰三北
問其故對曰吾有老父身死莫之養也君子以為孝
而舉之由楚而觀之公莫甚焉由魯人而觀之私莫
大焉然而公者見殺而私者見舉何也孟子曰於所
尊者薄無所不薄也以一証破兩疑猶一矢中雙鵰
人能賣其父則君何有焉楚人之公非公也以公害
公者也足以君子殺之也人能不棄其父則豈忍棄

其君魯人之私非私也以私而利公者也是以君子
舉之也嗟夫天下之不難治也蓋立法者能如楚人
殺直躬魯人舉敗卒則天下不難治矣

布置格

一篇

自寬入緊

辨同論

唐庚

道至於聖人極矣豈容復有異乎然禹之措置如此
湯之措置如平文武周公之措置則又如此使數聖
人比肩而事并交臂而共政則論事之際吾意必有

同異者矣寧能盡合乎是猶有辭焉曰時不同也故
寬下為後一節張本若諸子之論性豈復係於時
此際似殊時意而孟子之談如此荀子揚子之說
則又如此使數人者比肩而事主交臂而共政則論
事之際吾意其必有同異者矣寧能盡合乎是亦有
解焉曰師友有不同也又放寬下為後節張本若子
夏子游曾子子張之徒則又將安所談哉此又累似
前二節意皆出於周末不可謂之異時皆受道於
洙泗之間不得謂之異師講業請益周旋出處奔走
憂患盡無適而不同者凡數十年不得謂之異矣而

論交論學如黑白之相友方其大小之不相及也此
復何哉說者以為孔子沒學者無所統一使夫子在
學者宜不如此此又放寬為後一節張本然吾聞孔
子行年六十而七十化始之所謂是卒而非之曰言
豈一端而已夫各有所當也此一人耳而有所謂昔
日之言有所謂今日之言者而況於衆口乎是以先
王知群言之不可一也因使人人得極其說而不以
同異為誅賞公卿大夫之出於斯時者亦人人各薦
其所聞而不以同異為喜愠何者閨門之內父子兄
弟相與言而有可有不可籒人有著卜人引龜而參

之一從一不從故曰物之不齊物之情也寧可罪哉
今為申商之學則不然以謂同心同德者周人所以
興離心離德者商人所以亡刑賞生殺足以整齊天
下而不塞異議之口則非所以一道德而同風俗噫
古之所謂同心同德者果謂此邪吾不忍聞是說矣
周公之時朝廷之士不為少矣而東征之議書稱士
夫子翼則同者寡而有不同者衆矣豈皆小人邪豈
皆誅之邪夫以周公之權而十人者助之其勢足以
誅鉏群臣之異已者為有餘矣鼻息所向天下其孰
敢違然迹於人情通於物理思於王室而推至於公

天下者終不肯為此何則駕馭御臣正恐其雷同耳
奴婢同則家道危臣下同則人主孤人主孤而天下
之禍可勝諱哉古人所以貴和而賤同者慮此

題度格

一篇

承上引下

斯高殺扶蘇

蘇軾

軾立信於徙木立威於棄灰刑其親戚師博積威信
之劇以至始皇秦人視其君如雷霆鬼神不可測也
古者公族有罪三宥然後寘刑今至使人矯殺其太

子而不忌太子亦不敢請則威信之過也故夫以法
毒天下者未有不反中其身及其子孫也漢武始皇
皆果於殺者也故其子如扶蘇之仁則寧死而不請
如戾太子之悍則寧反而不訴知訴之必不察也戾
太子豈欲反者哉計出於無聊也

以法毒天下至及其子孫三句乃上結商鞅始皇
嚴暴扶蘇見殺下涵漢武果殺戾太子反叛意此
三句承上引下氣勢聯屬血脉渾融不見突兀處

壁喻格

十篇

遺述論理

管仲言宴安

呂祖謙

地之於車莫仁於羊腸而莫不仁於康衢水之於舟莫仁於瞿塘而莫不仁於溪澗蓋戒險則全玩平則覆也生於憂勤死於宴安厥理甚明人所以不知畏者特習之而不察耳

以一字設數譬

龍氏謀大

前人

情之跡生於義之薄之薄則無豐殖雲薄則無甘霖鍾薄則無遠震水薄則無珍膳求有薄其誠於先而

學其謀於後者也

譬同意異

靜觀

蘇軾

夫操舟者嘗患不見水道之曲折而水濱之立觀者
嘗見之何則操舟者身寄於動而立觀者常靜故也

知危

呂祖謙

天下之可懼者惟出於利害之外乃能知之風濤浩
蕩舟中之人不知懼也而舟外之人為之懼

蘇意在以靜觀動呂意在處靜知危譬同意異以

譬同意同

秦少章調臨安簿序

張耒

詩不云乎蒹葭蒼蒼白露為霜夫物不受變則材不
成人不涉難則智不明季秋之月天地始肅寒氣始
至方是時天地之間凡植物出於春夏雨露之餘華
澤充溢支節美茂及繁霜夜零且起而視之如戰敗
之軍卷旗棄鼓喪殫而馳吏士無人色豈特如是而
已於是天地間塞而成冬則摧敗拉毀之者過半其
為變亦酷矣然自是弱者堅虛者實津者燥滑欲其
英華於腹心而各效其成深山之木上于青雲下庇
千人者莫不病焉況所謂蒹葭者乎然匠者操斧以

遊於林一舉而盡之以充棟梁棟材輪輿輶輻巨細
強弱無不勝其任者此之謂損之而益敗之而成虐
之而樂者是也吾黨有秦少章者自予為太學官時
以其文章示予愀然告曰惟家貧奉命大人而勉為
科舉之文也異時率意為詩古文往往清麗奇偉工
於舉業百倍元祐六年及第調臨安簿舉子中第可
以樂而秦子每見予輒不樂予問其故秦子曰予世
之介士也性所不樂不能為言所不合不能交飲食
起居動靜百為不能勉以隨人今一為吏皆失已而
惟物之應必自纏裹悔禍饗至向時一身資養於父

毋今則婦子仰食於我欲不為吏祿不可得自今以
往如沐淶而求解矣子解之曰子之前日春夏之草
木也今日之病子者兼葭之霜也凡人性惟安之求
夫安者天下之大患也能遷之為貴重耳不十年於
外則歸不能霸子胥不奔則不入郢二子者方其羈
窮憂患之時陰益其所短而進其所不能者非如學
於口耳者之淺淺也自今吾子思前目之所為其可
悔者幾矣其所知益加多矣反身而安之則行於天
下無可憚者矣能推食以食人者常飢者也賜之車
馬而舞者不畏徒步者也苟畏飢而惡步則將有苟

得之心焉為害不既多乎故墮霜不殺者物之災也
逸樂終身者非人之福也

晉重耳

呂祖謙

天之生物自孽而條自華而實特造化之小者耳霜
焉雪焉勁烈刻厲剪擊其枝葉剝傷其膚理然後能
反膏收液鬱積磅礴發而為陽春之滋榮此天之大
造化也必有大凋落然後有大發生必有大摧折然
後有大成就

此詳見前之奪彼與此格

意同辭異

上夏人書 代滕甫

蘇軾

臣近患積聚醫云據病當下一日而愈若不下半月而愈然中年以後一下一衰積衰之患終身之憂也臣私計之終不以一日之快而易終身之憂遂用其言以善藥磨治半月而愈初不傷氣體力益完因悟近日臣僚獻言欲用兵四方皆是醫人欲下一日而愈者也是勢亦未必不成然終非臣憂君父欲出萬全之道也

藥戒

張耒

客有病瘡積於其中者伏而不得下自外至者捍而不得通造醫而問之曰非下之不可歸而飲其藥既

飲而暴下不終日而向之伏者散而無餘向之捍者
柔而不支焦兩溲達呼吸開利快然若未始有疾者
不數日瘡復作投以故藥其快然也亦如初自是不
逾月而瘡五作每作輒愈然客之氣一語而三引體
不勞而汗服不步而慄膚革無所耗於前而其中藹
然莫知其所自來嗟夫心瘡非不可已予從而下之
拊未爽也藹然獨何歟聞楚之南有良醫焉徃而問
之醫嘆曰予無嘆是然者也凡子之術固為是藹然
也坐吾語汝天下之理有甚快於予心者其未必有
傷求無傷於終者則初無望於決吾心夫陰伏而陽

蓄氣與血不運而為痞橫乎子之胸中其累大矣擊
而去之不須臾而除甚大之累和平之物不能為也
必將擊搏震撓而後可夫人之和氣冲然而甚微消
乎其甚危擊搏震撓之功未成而予之和氣蓋已病
矣由是觀之則下痞凡一快者子之和一傷矣不終
月而快者五則子之和平之氣不既索乎故膚不勞
而汗股不步而慄蕭然如不可終日也且將去子之
痞而無害於和平子岬然居三月而後予之藥可為
也索岬然居三月齊戒而後請之醫曰子之氣少復
美取藥而授之曰服之三月而疾少平又三月而少

康終是年而復常且飲藥不得亟進客歸而行其說
然其初使人瞞然遲之蓋投藥而三反之也然日不
見其攻之效則月異而時不同終歲而疾平客謁醫
再拜而謝之坐而問其故醫曰是醫國之說也豈特
醫之於疾哉

蘇張說譬同而遣詞異蓋以意運文而不使意為
文也所以約詳近遠顯微小大各造善文之妙也

藏頭使譬

送張邃明序

蘇軾

古之人其才非有大過今之人也其平居所以自養

而不敢輕用以待其成者閔閔然如嬰兒之望長也
弱者養之以至於剛虛者養之以至於充三十而後
仕五十而後爵信於久屈之中而用於至足之後流
於既濫之餘而發於持滿之末此古人之所以大過
人而今之君子所以不及也
水鑑子淵此只藏頭暗說亦是一作文之法

用譬忌稠疊

將兵

蘇洵

善用兵者使之無所顧有所恃無所顧則知死之不
足惜有所恃則知不至於必敗尺箠當虎豹奮呼而

操擊徒手遇蜥蜴變色而卻步人之情也知此者可
以將矣有此二句接後譬不獨疊袒裼而按劍則烏
獲不敢逼冠冑衣甲據兵而寢則童子彎弓殺之矣
故善用兵者以形固未能以形固則力有餘矣
此前後譬同所指稍異前言人於物有恃則勇無
則怯後言人於人有恃人所畏無則人所侮

下字格

六篇

用字要停當

上韓樞密書

蘇洵

昔者郭子儀去河南李光弼實代之至之日張用濟
斬於轅門三軍股慄夫以臨淮之悍而代汾陽之長
者三軍之士悚然如赤子之脫於慈母之懷而立乎
嚴師之側何亂之敢生

稱名以子儀對光弼稱爵以臨淮對汾陽可謂相
當又前則先郭而後李後則先臨淮而後汾陽乃

文章交錯善變處其不曰斬張濟而曰張用濟斬
於轅門又見文字精密

粒丹點鐵

秦晉遷陸渾之戎

呂祖謙

十九年掘鼠牧羊於北海之濱而未少改蘇武之漢
也承乾身未離唐宮而已純乎突厥矣天下之可畏
者莫大於吾心之夷狄而要荒之夷狄次之

此下一漢字意新而字熟既不生獐亦不蹇蹇又
不突不可謂靈丹一粒點鐵成金也

隻字點化

論車不可無輔

張來

天下之物固有不相有而相須不同域而相成者豈輔也哉千金之裘成於工人之寸針南越之箭激於飛鳥之遺羽火蘊於石而金發之兵切於膚而甲拒之故其在人則學是也

此十數句新奇的當不可移易至於蘊字尤細膩若下蘊字便俗矣如歐陽公以劉焯小賦內積安行之德為句公謂積近於學非堯舜性仁題意改為蘊字可見一字工拙殊覺學力霄壤

避龐字

用大論

前人

天立法以治天下者吾之法果足以盡天下之理也
羅籠絡使天下之智巧不足以用其姦乎吾知其不
能也夏后氏之為忠也使禹不知世之將野則禹為
不智也知而為之是禹亦無如之何也商之質周之
文亦猶是也夫以聖智猶有所屈於事物之變則立
法以求盡天下之理吾知聖人有所不能故立法于
此足以適天下之情至於聰明之所不及思慮之所
難測出於人情外者吾有所不治也而吾法立矣

夫先公曰美之政忠忠之辭小人以野故疑入承
是以辭敬之辭小人以鬼故周人承之以文使不
知閃避法上面俗說禹之以忠而下亦倫商周則
亦用鬼字則寵俗鄙但今直云商之質周之文亦
猶是也不惟是欲有文抑是迴避得安帖

避諱字

贊王元之畫像

蘇軾

傳曰不有君子其能國乎予嘗三復斯言未嘗不流
涕太息也如漢汲黯蕭望之李固吳張昭唐魏鄭公
狄仁傑皆以身殉義掘之不來麾之不去正色而五

於朝則豺狼狐狸自相吞噬故能消禍於未形救危
於將亡使皆如公孫丞相張禹胡廣雖千百緩急豈
可望哉

汲黯而下五人舉年而魏徵一人稱國以其名與
仁祖諱同音胡廣而上二人舉名而公孫宏稱官
以其名犯宣祖諱此作文閃避法然蘇子文字亦
有隨筆取謬如趙康靖公卿銘云世謂長者絳侯
相如夫以絳侯稱周勃為不以陳湯並相如我
若謂相如乃韻語胡不改絳侯二字為周勃哉但
絳侯載之火傳者多故稱之排熟而不生擇別無

意義附錄於後

趙康靖公碑銘

全文以便觀覽

銘曰、惟古任人、仁義是圖、仁近於弱、義近於迂、課其
功利、歲計有餘、在漢孝文、發政之初、欲以利口、登進
齋夫、有臣釋之、實矢厥謨、世謂長者、絳侯相如、皆訥
於言、有口苦無、豈效此子、嚙喋巧諛、帝因感悟、老成
是親、清靜無為、監於暴秦、歷祀四百、世載其仁、赫赫
我宋、以聖繼神、於穆仁宗、知歲之春、招延朴忠、屏遠
佞人、豈獨左衣、刑於庶民、維時趙公、含德不發、如圭
如璧、如金如錫、置之不愠、用之不懌、帝識其心、張者

之傑遂授以政歷佐三葉濟于艱難不遷不跋公在
朝廷靖其寡言不恆不求孰知其賢望其容貌有恥
而悛薄夫以敦鄙夫以寬今其亡矣吾誰與存作此
銘詩以詔後昆

結尾格

八節

因事立論

舜受予奪

蘇軾

信哉予奪之不可輕也予奪不可輕猶衆人事耳聖
人之視予奪初未嘗有輕重也舜視棄天下如棄敝

從豈舜真輕天下如敝屣哉孟子特為挑應言也天下者挑應之所重也故從者挑應之所輕也以其所輕而明其所重而入遂疑舜之有所重誤矣吾將因孟子之言而附益之曰舜當其可與視天下如敝屣當其不可與視敝屣如天下

曲終奏雅

審戰論

張采

蓋魏武號為深明孫子而為解說最為簡略彼以謂孫子之意言雖多而不可盡姑開其端可也
善文者留一好証在後如善奕者留一着在後可

謂曲終而奏雅豈不有遺音哉張若文序間多用
此訣如說高宗殺長孫無忌事至結尾方云太宗
以蘭陵公主圖賞言其直百萬非好名也事當
然也事的而句簡正與審戰論相類正似作戲者
一笑方散場

竿頭進步

威公所期之小

呂祖謙

進霸而至於王極天下之所期無在其上者其亦可
以息乎曰主道果可息則堯之兢兢舜之業業湯之
汲汲何為者邪

清廟遺音

崔寔論

業賢良

嗚呼世之論政如崔寔者可以痛哭之矣

判斷是非

史論

蘇洵

意一規一矩一準一繩足以制萬器使世之人其務
聯迂固實錄可也謹無若王通陸長源輩置器然凡
且僭則善矣

末句出脫

危增論

蘇軾

伊然增音帝之所畏也增不去項羽不亡鳴呼增亦人傑也哉

援事定罪

守原論

柳宗元

余故著晉君之罪以附春秋許世子止趙盾之義
含蓄不盡意

桐葉封弟辯

柳宗元

封唐叔史佚成之也

太學新編黼藻文章百段錦卷之下 終

大學新編補藻文章首段錦序

嬰兒習步必先徐行嬌孩學言必先曰唯童子之學
文必先示以蹊徑未能徐徐其步而遽欲效慶忌之
奔則不數步而蹶且僵未能學唯而遽欲教之以蘇
秦之辯則將期之而以隄未能為文之蹊徑而遽欲
造韓柳歐蘇之堂奧且將不得其門而入今吾之為
文章蹊徑也足必先徐行學唯也由行而奔由唯而
辯由蹊徑而堂奧安知異日之不慶忌不蘇秦不韓
柳歐蘇斯其勉哉時今皇嗣位之二稔中呂望日三
兮類錄序